

Broj: 03-04-1037-14/2024  
Sarajevo, 11.07.2024. godine

**PARLAMENT FEDERACIJE BOSNE I HERCEGOVINE**

**Predstavnički dom**

gosp. Mahir Mešalić, poslanik ✓  
gosp. Ivan Miličević, sekretar

Bosna i Hercegovine  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 15-07-2024			
Org. jed.	Broj	Priloga	Vrijednost
05/1	02-	330	/24

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva prostornog uređenja, broj: 03-02-4-579/24-2 od 28.06.2024. godine, koji sadrži odgovor na poslaničko pitanje, koje je postavio poslanik Mahir Mešalić.

S poštovanjem,

  
**SEKRETAR VLADE**  
dr. sci. Edita Kalajdžić

Prilog: kao u tekstu

Broj: 03-02-4-579/24-2  
Sarajevo, 28.6.2024. godine

VLADA FEDERACIJE BOSNE I HERCEGOVINE  
ul. Hamdije Čemerlića br. 2  
Sarajevo  
n/r sekretara dr.sci. Edita Kalajdžić

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

BROJ: 11.07.2024		
Broj iloga	Klasifikaciona oznaka	Broj iloga
03-04-	1037-14/2024	

Predmet: Odgovor na zastupničko pitanje – zastupnik Mahir Mešalić  
Veza: vaš dopis broj: 03-04-1037-14/24 od 05.06.2024. godine

Federalnom ministarstvu prostornog uređenja ste dostavili zastupničko pitanje, koje je postavio zastupnik Mahir Mešalić, a koje je dostavljeno Vladi Federacije BiH aktom sekretara Zastupničkog doma Parlamenta Federacije Bosne i Hercegovine, broj: 05/1-02-330/24 od 03.06.2024. godine, a odnosi se na obrazloženje razloga odbijanja zahtjeva za izdavanje urbanističke saglasnosti za radove na izgradnji gasovoda „Južna interkonekcija BiH i Hrvatska“.

U vezi sa gore navedenim, odgovaramo kako slijedi:

Ovom federalnom ministarstvu se, dana 28.6.2021. godine, obratio investitor BH-Gas d.o.o. Sarajevo zahtjevom za izdavanje urbanističke saglasnosti za radove na izgradnji gasovoda „Južna interkonekcija BiH i Hrvatska“, odnosno dionice gasovoda u Bosni i Hercegovini na pravcu: granica HR/BiH – Posušje – Novi Travnik, sa odvojkom za Mostar, na području Zapadno-hercegovačkog, Srednjobosanskog, Hercegovačko-neretvanskog i Kantona 10 - Livno.

Uvidom u dokumentaciju dostavljenu uz zahtjev, utvrđeno je da nije dostavljena sva dokumentacija propisana odredbama člana 39. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21 i 92/21), te je investitor dopisom ministarstva od 2.7.2021. godine obaviješten da je dužan dostaviti propisanu dokumentaciju u roku od 60 dana.

BH Gas d.o.o. je u više navrata, u periodu od 9.9.2021. do 25.5.2022. godine, parcijalno dostavljao traženu dokumentaciju, te bi uz svaku dopunu dostavljao i zahtjev za dodatno produženje roka za dostavljanje preostale dokumentacije.

Federalno ministarstvo prostornog uređenja je svaki put ocijenilo da je zahtjev za produženje roka opravdan, te je isti produžavan na period tražen u dopisima investitora BH Gas d.o.o.

Članom 40. Zakona o prostornom planiranju i korištenju zemljišta na nivou Federacije Bosne i Hercegovine propisano je da Federalno ministarstvo prostornog uređenja izdaje urbanističku saglasnost na osnovu prethodno pribavljenog mišljenja kantonalnog ministarstva prostornog uređenja, dok je članom 37. propisano da se urbanistička saglasnost izdaje ako se prethodno utvrdi da je građenje u skladu sa planskim dokumentima i drugim uvjetima utvrđenim za taj prostor, posebnim zakonima i propisima donesenim na osnovu tih zakona.

S tim u vezi, a s obzirom da je dostavljen minimalan obim dokumentacije koji se dostavlja kantonalnim ministarstvima na mišljenje, ovo federalno ministarstvo je, dana

14.6.2022. godine, zatražilo mišljenje o usaglašenosti predmetnog zahtjeva sa važećom prostorno planskom dokumentacijom, od strane nadležnih ministarstava Zapadnohercegovačkog, Srednjobosanskog, Hercegovačko-neretvanskog kantona i Kantona 10 – Livno.

Tražena mišljenja su (nakon urgencija prema određenim kantonalnim ministarstvima) dostavljena dana:

- 15.07.2022. godine od Ministarstva građenja i prostornog uređenja Hercegovačko-neretvanskog kantona,
- 30.10.2023. godine od Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona,
- 20.11.2023. godine od Ministarstva prostornog uređenja, graditeljstva i zaštite okoliša Zapadnohercegovačkog kantona i
- 15.04.2024. godine od Ministarstva graditeljstva, obnove, prostornog uređenja i zaštite okoliša Kantona 10 – Livno.

Uz navedena mišljenja dostavljeni su tekstualni i grafički izvodi iz prostorno-planske dokumentacije koja je predmet navedenih mišljenja.

Razmatrajući pribavljena mišljenja kantonalnih ministarstava prostornog uređenja i izvode iz prostorno planske dokumentacije, utvrđeno je da trasa predmetnog gasovoda:

- **nije usklađena** sa Prostornim Planom Županije Zapadnohercegovačke,
- **nije usklađena** sa Prostornim planom za područje Hercegbosanske županije za period od 20 godina
- **nije planirana** Prostornim planom Hercegovačko-neretvanskog kantona,
- da se predmetni radovi planiraju na području unutar koridora trase gasovoda obuhvaćenog Izmjenama i dopunama Prostornog plana Kantona Središnja Bosna / Srednjobosanskog kantona 2005 – 2030. godine.

Na osnovu gore navedenog, utvrđeno je da izgradnja predmetnog gasovoda „Južna interkonekcija BiH i Hrvatska“ **nije u skladu sa planskim dokumentima** na području tri od četiri kantona kroz koje je planirana trasa gasovoda, te da time nisu ispunjeni uslovi dati odredbama člana 37. Zakona o prostornom planiranju i korištenju zemljišta na nivou Federacije Bosne i Hercegovine, pa je dana 13.05.2024. godine doneseno rješenje kojim se ovaj zahtjev odbija.

U vezi sa svim gore navedenim, može se zaključiti da je rješenje pravilno i na zakonu zasnovano, te da je doneseno isključivo po pravilima struke.

U vezi navoda da je zahtjev podnesen u junu 2021. godine, a rješenje doneseno tek u maju 2024. godine, iz gore navedenog teksta se može konstatovati da je Ministarstvo više puta produžavalo rok za dostavljanje propisane dokumentacije, kao i da je posljednje mišljenje kantonalnog ministarstva prostornog uređenja zaprimljeno tek 15.04.2024. godine, a ovo mišljenje je obavezno shodno odredbama člana 40. Zakona o prostornom planiranju i korištenju zemljišta na nivou Federacije Bosne i Hercegovine.

Napominjemo da investitor nije nikada izvršio potpunu dopunu dokumentacije propisane odredbama Zakona o prostornom planiranju i korištenju zemljišta na nivou Federacije Bosne i Hercegovine i drugih relevantnih zakona, a što je takođe uvjet za izdavanje urbanističke saglasnosti.

S poštovanjem,

Dostaviti:

1. naslovu,
2. a./a.

